

黃氏逸書考

于史鈞沈

逸書考

董勛問禮俗

甘泉黃奭學

海西令問于董勛曰俗有歲首酌

初學記椒作椒

酒而飲之者何也勛答曰歲首用椒酒以椒

性芬香又堪爲藥故飲之亦一時之禮故此

日採椒花以貢尊者又折松枝于戶男七女

二七亦同此義

又問董勛曰俗人正日飲酒先從小者何也

勛答曰俗以小者得歲先酒賀之老者失歲

故後與酒罰之然則從小起意在於斯乎

魏時人問議郎董勛曰今正臘旦門前作烟火桃神絞索松柏殺鷄著門戶逐疫禮乎勛答曰禮十二月索室逐疫疊門戶磔雞煨火行故作助行氣桃鬼所惡畫作人首可以有收縛不死之祥

董勛答問曰俗以正月一日爲雞二日爲狗

三日爲羊四日爲猪

北史魏收傳引作三日爲猪四日爲羊

五

日爲牛六日爲馬七日爲人

類聚引此下以云八日爲穀

陰晴爲豐耗正旦畫雞于門七日帖人於帳

一作鑊人於金簿

今一日不殺雞二日不殺狗三日

不殺羊四日不殺猪五日不殺牛六日不殺

馬七日不行刑亦此義也古乃磔雞今則不

殺荆人于此日向辰門前呼牛馬雞畜

荆楚歲時

記作牛羊雞畜

令來乃置粟豆于灰散之宅內云以

招牛馬未知所出也

並御覽

董勛答問曰正月一日造勝華以相遺象瑞

圖金勝之形又象西王母正月七日戴勝見

武帝于承董殿也

董勛答問曰人曰鑲金薄爲人

初學記曰此云人日俗剪

絲爲人形

以貼屏風戴于頭髮起自晉代賈充妻

李氏夫人云俗人入新年形容改舊從新也

並歲華

紀麗

或問董勛曰俗五月不上屋云五月人或上屋見影魂便去勛答曰蓋秦始皇自爲之禁夏不得行漢魏未改案月令仲夏可以居高明可以遠眺望可以升山陵可以處臺榭鄭

玄以爲順陽在上也今云不得上屋正與禮反敬叔云見小兒死而禁暴席何以異此乎俗人月諱何代無之但當矯之歸于正耳

荆楚

歲時記

董勛答問曰五月俗稱惡月俗多六齋放生案月令仲夏陰陽交死生分君子齋戒正聲

色禁嗜慾

初學記

或問董勛曰七月七日爲良日飲食不同於古何也勛答曰七月黍熟七日爲陽數故以

麋爲珍今北人唯設湯餅無復有麋矣

董勛答問曰翼屏風人持隨喪車前後左右

也

並御覽

董勛答禮曰職高者名錄在上於人爲右職卑者名錄在下於人爲左是以職下遷爲左

史記索隱

董勛答或人問曰已在遠聞喪除服乃歸至家之禮云何勛案奔喪禮若除服而後歸先之墓斂髮袒經不制麤衣及杖也哭盡哀遂

除於墓歸不哭也家人待之如常不變服由
自齊縗以下至墓哭盡哀而歸若服未除而
歸不及殯先至墓及歸斂袂如今人椎髻以
麻爲慘頭免以布闊一寸或問已在遠初不
聞喪或日月已過乃聞或至家乃聞其禮云
何勛按奔喪禮不及殯先至墓乃成服檀弓
曰小功不稅稅者喪與服相當之言也小
功總麻在遠聞喪服制已遵但舉哀而已不
復追服也大功以上聞喪日爲始不計死者

之日數也若兄弟及從父兄弟大功以上降
總麻小功者雖日月已過乃以聞日爲服制
亦不計初死之日數以本親重也

通典

蔡南問乾鑿度云王道陵遲何謂陵遲董勛
答曰舒疾有節禮云喪事雖遠不陵節是王
道越於遲節言教不行也

匡謬正俗

子史鈎沈

逸書考

唐明皇月令注解

甘泉黃奭學

集賢院學士

正月之節日在虛

立春爲正月之節謹案春秋傳曰履端於
始謂節也舉正於中謂氣也歸餘於終謂
閏也既有閏則立春進退不恒在正月朔
日故不定爲孟春之月但得立春則是正
月之節可以行春令矣

御覽
十八

星日星月今注解

昏昴中曉心中

案張參五經文字昏遁廟諱改从氏今據改又案旦改作

境者避唐

諱也

黃昏時昴星正當午位曉時心星正當午

位凡記昏昴曉心中為人君南面而聽天

下觀時候以授人事也日入後二刻半為

昏日未出二刻半為曉也

全上。案汲古閣校本歲時紀

禮一引經正月之節缺之節二字引注脫為人君以下二語

斗建寅位之初

地十有二辰斗柄杓常左旋指地位故立

春正月之節則斗建寅位之初書云璿璣

玉衡以齊七政此之謂矣

御覽全上案璿璣之璣依表

文當改作樞蓋羣臣作表因明皇諱隆基故諱嫌名也今从御覽注

其日甲乙

春秋傳曰天有十日謂甲乙丙丁戊己庚

辛壬癸甲乙屬木主春故云其日甲乙

全上

案唐諱丙注丙當依下經文作景丁

真帝太皞其神句芒

昔太皞氏以木德繼天而王故爲春帝高

辛氏有天下置五行之官木正曰句芒故
句芒為木神佐太皞於春

全上○事類賦注

其蟲鱗其音角

謂樂器之聲三分羽益一以生角角數六
十四屬木以其清濁中人象也春氣和則

角聲調

通典樂三

案此依鄭注也通典

引月令云正月其音角引注作人

家不作民下更接云其二月三月不見

者並在正月他物仿此係唐本無疑

律中大族

律者候氣之管以竹為之中猶應也正月

氣至則大族之律應應謂吹灰也大族者
林鐘所生三分益一管長八寸空徑三分
圍九分上全
其數八其性仁其事貌其味酸其臭羶
其祀戶祭先脾

春陽氣祀戶順陽氣也

事類賦注

立壽之日東風解凍後五日蟄蟲始振後五
日魚上冰

昔在周公作時訓定二十四氣辨七十二

候每候相去各五日以明天時將驗人事

言聖人奉順天時則萬物及節候也

御覽全上

玉海十二引唐注周公作時訓定二十四氣辨七十二候

下子居青陽左个乘青輅駕蒼龍載青旂衣

吉衣服蒼玉食麥與羊其器疏以達

案玉海九十六

言唐注月令十三室命在其辰之上

大史以先立春三日謁於天子曰某日立春

盛德在木天子乃齊

立春之日天子親率公卿諸侯大夫以迎春

於東郊還乃賞公卿諸侯大夫於朝

迎春爲祀青帝靈威仰於東郊以太皞配

以句芒歲星三辰七宿從祀

白帖

命相布德和令行慶施惠下及兆人慶賜遂
行無有不當

命太史司天歷候日月星辰宿離不貸無失
經紀以初爲常

歷推策也候占候也宿二十八宿也離猶
歷也七曜爲經二十八宿爲紀初謂孟春

歲首也

白帖

是月也命有司祭風師

立春之後丑日祭風師於國城東北

御覽全上

禮典禮四

是月也命有司釁龜筮占兆審卦吉凶

周禮龜人上春釁龜謂建寅之月

御覽七百二十一

五

正月中氣日在危

雨水爲正月中氣凡中氣前後去節十五

日春秋傳曰舉正於中此之謂也

昏畢中曉尾中斗建寅位之中

雨水之日獺祭魚後五日鴻雁來後五
木萌動

天子乃命有司布農事舍東郊修封疆端
術善相邱陵阪險原隰土地所宜五穀所
以教導人必躬親之田事既飭先定準直
乃不惑

端正也徑步道也術車道也

帖白

天子乃以元日祈穀於上帝

元吉也謂上辛祈穀郊祀昊天上帝於圜丘以高祖神堯皇帝配坐以五方帝從祀於壇春秋傳曰啟蟄而郊祈而後耕此之謂矣

御覽全上

乃擇元辰天子親載耒耜置之車右率公卿諸侯大夫躬耕藉田天子三推三公五推卿諸侯九推還讌飲於大寢公卿諸侯大夫御命曰勞酒

辰亥也謂郊後吉亥享先農於東郊

神農也

御覽五百三十二

是月也命樂正習舞

春夏尚舞故命習之

御覽十八事類賦注

乃修祭典命祀岳鎮海瀆犧牲無用少

正月修祭典國重祭故歲首修之無用牝

爲傷生生之類也

白帖

禁止伐木

爲盛德所在

御覽全上

無靡無卵

無傷萌句之類

上全

無聚大衆無置城郭

妨農也

御覽一百九十三

掩骼埋胔

爲死氣逆生氣枯骨曰骼肉腐曰胔

御覽一百九十三

是月也不可以稱兵稱兵必有天殃兵戎不

起不可從我始無變天之道無絕地之理

亂人之紀

孟春行夏令則雨水不時草木早落國時有
恐行秋令則其人大疫飄風暴雨摠至藜莠
蓬蒿並與行冬令則水潦爲敗雪霜大摠首
種不入

摠傷也

事類賦注

二月之節日在營室

驚蟄爲二月之節

御覽十八

昏東井中曉箕中斗建卯位之初

律中夾鍾

二月氣至則夾鍾之律應夾鍾者夷則之所生三分益一管長七寸四分上全
驚蟄之日桃始華後五日倉庚鳴後五日鷹化爲鳩

天子居青陽太廟

是月也安萌芽養幼少存諸孤

命有司省囹圄去桎梏無肆掠止獄訟

省減也囹圄所以禁守繫者則今之獄矣

木在手曰桎在足曰梏上全

是月也命樂正習舞

習舞爲將釋奠

御覽五百三十五

上丁釋奠於國學天子乃率公卿諸侯親往視之

釋謂置也置牲幣之奠於文宣王

御覽一百八十五

百三十五觀其禮也

御覽五百三十五

命有司上戊釋奠於太公廟

亦用牲幣之奠

御覽並全

是月也擇元日命人社

為祀社稷也春事興故祭之以祈農祥元

日謂近春分前後戊日元吉也御覽三百三

十二。歲華紀麗一事類賦注。案衛

正叔禮記集說引邱氏曰唐李林甫等註

月令作元日命民社元日近春分前後戊

日與今註不同以社祭土土畏木甲屬木

故不用甲用戊者戊屬土故召誥曰越翼

日戊午乃社于新邑郊特牲用甲當是異

代之禮案邱氏邱光庭也

二月中氣日在奎

春分為二月中氣御覽十八

昏東井中曉南斗中斗建卯位之中

春分之日元鳥至後五日雷乃發聲後五日

蟄

是月也祀朝日於東郊

春分日祭之

上全

天子獻羔開冰先薦寢廟

謂立春藏冰在春分方溫故獻羔以祭司

寒而後開冰春秋傳曰日在北陸而藏冰

西陸朝覲而出之

上全

是月也日夜分則同度量平權衡

分平也因春分晝夜平則正之同亦平也
丈尺曰度斗斛曰量稱鍾曰權稱上曰衡

齊覽八

百二十

是月也元鳥至之日以太牢祀於高禰天子
親往

燕以施生時來巢堂宇而孚乳產育之象
媒氏之官以爲候變媒言禰言神之也昔
高辛氏之代元鳥遺卵簡狄吞之而生高
辛後王因以爲媒官嘉祥而立其祠焉

齊覽

十八。○事類賦箭注。○案此條與鄭注畧同。但兩書引經文不重。至字又鄭注本作高。辛氏之世。今注作代。避唐諱也。以此定爲唐注無疑。

后妃率九嬪御乃禮天子所御帶以弓韉授以弓矢於高禩之前

是月也命有司祭馬祖

謂仲春祭馬祖於大澤用剛日御覽全上事類賦注

是月也耕者少舍乃修闔扇寢廟畢備

無作大事以妨農事

興兵役之事時將耕慮妨農功歲華紀麗一

唐明皇月令注解

是月也無竭川澤無漉陂池無焚山林

順陽養物也蓄水曰陂穿地通水曰池

御覽

全上

是月也祀不用犧牲用圭璧更皮幣

春行秋令則其國大水寒氣揔至寇戎來
社行冬令則陽氣不勝麥乃不熟人多相掠
行夏令則國乃大旱煖氣早來蟲螟爲害

三月之節日在婁

清明爲三月之節

御覽全上

中斗建辰位之初

姑洗

三月氣至則姑洗之律應姑洗者南呂所

生也三分益一管長七寸一分

上全

清明之日桐始華後五日田鼠化為鴽後五日虹始見

天子居青陽右个

是月也天子乃薦鞠衣於先帝

鞠衣衣名蓋黃桑之服薦於先帝者爲進

於太廟全

命有司覆舟五覆五反乃告舟備具於天子
焉天子始乘舟

薦鮪於寢廟

進時美味

御覽全上○
九百三十六

是月也生氣方盛陽氣發泄句耆畢出萌者
盡達不可以內

天子布德行惠命有司發倉廩賜貧窮振乏
絕開府庫出幣帛周天下勉諸侯聘名士禮

聘者

聘謂問也名士謂有名譽者也

御覽十八

三月中氣日在胃

穀雨爲三月中氣

上全

昏張中曉南斗中斗建辰位之中

穀雨之日萍始生後五日鳴鳩拂其羽後五日戴勝降於桑

是月也天子命有司曰時雨將降下水上騰

巡行國邑周視原野修利隄防道達溝瀆開

通道路無有障塞

田獵置罟羅罔畢翳餒獸之藥無出國門

鳥獸字乳不可傷之無逆天時

歲華紀麗一

是月也命有司無伐桑柘

愛蠶食也有司謂主山林之官

御覽十八八百二

十五通典禮六紀麗引愛蠶食也

乃修蠶器后妃齊戒享先蠶而躬桑以勸蠶

蠶器謂薄槌蓐筐之類季春吉祀皇后享

先蠶先蠶天駟也享先蠶而後躬桑示率

先天下也

御覽十八

八百二十五

通

考入十七路史後紀五俱
引唐月令以先蠶爲天駟

是月也命工師令百工審五庫之量金鐵皮
革筋角齒羽箭幹脂膠丹漆無或不良百工
咸理監工日號無悖於時無作淫巧以蕩上
心

去毛曰革犀兕水牛之屬以爲甲楯鼓鞞

御覽三百

五十七

民國甲戌

唐明皇月令注解

十三

江都朱氏

是月也乃合累牛騰馬遊牝於牧犧牝駒犢
舉書其數

累繫也騰躍也其牝欲遊則就牧而合

御覽

八百三十三

是月也擇吉日大合樂天子乃率公卿諸侯
大夫親往之

大合樂者言行射禮

御覽十八

是月也命國僉九門磔攘以畢春氣

洪範傳曰言之不從則有大禍犬屬金也

故磔之於九門所以抑金扶木畢成春功
東方三門不磔春位不殺且盛德所在無

所禳

御覽五百三十
卅八紀麗一引有脫誤字

通典禮

季春行冬令則寒氣時發草木皆肅國有人
恐行夏令則人多疾疫時雨不降山林不收
行秋令則天多沈陰淫雨早降兵革並起
四月之節日在昴

立夏爲四月之節

御覽二十一
二十三

昏翼中曉牽牛中斗建巳位之初

民國甲戌

唐明皇月令注解

西江都朱氏

其日景丁

景丁屬火主夏故云其日景丁

同上二十一

其帝炎帝其神祝融

昔炎帝神農氏以火德繼天而王故爲夏

帝火正曰祝融爲火神佐炎帝於夏

同上

其蟲羽

南方朱鳥羽蟲之長凡有羽之類皆屬於

火故曰其蟲羽

同上

其音徵

三分宮去一以生徵徵數五十四屬火以

其徵

一作徵

清事之象也夏氣和則徵聲調

樂記曰徵亂則衰其事勤

全上。通典樂三注引同無樂

記云云

律中仲呂

四月氣至則仲呂之律應仲呂者無射之

所生三分益一管長六寸六分

全上

其數七其性禮其事視其味苦其臭焦

其祀竈祭先肺

立夏之日螻蛄鳴後五日蚯蚓出後五日王
瓜生

天子居明堂左个乘朱輅駕赤騊載赤旂衣
朱衣服赤玉食菽與藜其器高以粗

太史以先立夏三日謁於天子曰某日立夏
盛德在火天子乃齊

立夏之日天子親率公卿大夫以迎夏於南
郊還乃行賞公卿諸侯大夫於朝慶賜遂行
無不欣說

迎夏爲祀赤帝赤燠怒於南郊以炎帝配

以祝融癸亥三辰七宿從祀

白帖

命相贊傑俊遂賢良舉長大

贊猶揚也遂猶達也傑俊謂才兼於人者

御覽二

十三

行爵出祿必當其位

無虛授也

上全

是月也命樂正習盛樂大雩

雩者祭天祈雨之名爲將大雩先習盛樂

自鞞鞞至祝敵皆作故曰盛樂

全上十一引御覽

雩者祭天祈雨之名
大雩為用盛樂也

命有司禱祀山川古之卿士有益於人者以

祈穀實

是月也命有司祀雨師

立夏之後申日祀雨師於國城西南

白帖通

典禮四

四月中氣日在畢

小滿為四月中氣

御覽二十一

昏軫中曉須女中斗建巳位之中

小滿之日苦菜秀後五日靡草死後五日小暑至

挺重囚出輕繫

挺猶寬也重囚寬之至秋方決輕繫出而

捨之

上全

是月也繼長增高無有壞墮

無起土功無發大衆無伐大樹

爲妨蠶農之事

全上日八百七十二

是月也天子初衣暑服

論語曰當暑紵絺綌謂暑服

御覽全上二十一

命有司巡行田原爲天子勞農勉人無或失時

勸農人以及時

御覽八百二十二

是月也驅獸無害五穀

獸麋鹿之屬食穀苗驅之令勿害也

御覽八百

三十

無大田獵

恐傷生類

御覽二十一

農乃登麥天子乃以彘嘗麥羞以含桃先薦寢廟

含桃櫻桃也先薦寢廟後乃食之

同上

是月也蠶事既登后妃獻繭乃收繭稅以桑爲均貴賤長幼如一以給郊廟之服

后妃獻繭進其成功也乃收繭稅十而取一以桑爲均者謂用桑多則繭多桑少則繭少貴賤長幼如一各自以桑爲均不得

民國甲戌

唐明皇月令注解

大江都朱氏

以人貴賤長幼爲差

御覽二十一引首一
句餘見八百二十五

是月也天子飲耐用禮樂

酎之言醇也春酒至此始成與羣臣飲之

御覽同上

二十一

孟夏行秋令則苦雨數來五穀不滋四鄙入
保行冬令則草木早枯後乃大水敗其城郭
行春令則蝗蟲爲災暴風來格秀草不實
是月之節日在參

芒種爲五月之節

御覽
同上

昏角中曉危中斗建午位之初

律中蕤賓

五月氣至則蕤賓之律應蕤賓者應鐘之所生三分益一管長六寸三分

芒種之日螳螂生後五日鵙始鳴後五日反舌無聲

天子居明堂太廟

令人無艾藍以染無燒灰

是月也門閭無閉關市無索

唐明皇月令

順陽氣

歲華紀麗一

游北別羣則繫騰駒

恐相蹄齧

御覽全上二十一

班馬政

馬政謂掌十二閑養馬之政教

全上

是月也聚蓄百藥

因草木蕃廕之時則採聚百藥

全上

五月中氣日在東井

夏至爲五月中氣

全上

昏亢中曉營室中斗建午位之中

夏至之日鹿角解後五日蜩始鳴後五日半夏生

是月也祀皇地祇於方丘

夏至之日祀黃地祇於方丘以高祖神堯

皇帝配坐以岳瀆等神從祀

同上○五百二十四

是月也日長至陰陽爭死生分

夏至之日漏刻長陽氣欲衰陰氣欲興陽

曰生陰曰死至之日相與分

御覽同上二十一

民國甲戌

唐明皇月令注解

王江都朱氏

君子齋戒處必掩身無躁

以陰陽相爭之時務欲安靜

同上

止聲色無或進薄滋味無致和

謂陰陽始興身尙靜味尙薄

同上○案陽當作氣

節嗜慾定心氣

微陰扶精不可散

同上

百官靜事無刑以定旻陰之所成

是月也命有司祭先牧

謂仲夏祭先牧於大澤用剛日

御覽五百二十四八

百三十三

是月也無用火於南方

陽氣盛又用火於其方害微陰

御覽全上二十一

可以居高明可以遠眺望可以升山陵可以處臺榭

是月暑氣方盛可以登高望遠順陽居上

全上

仲夏行冬令則雹凍傷穀道路不通暴兵來至行春令則五穀晚熟百螻時起其國乃虛

行秋令則草木零落果實早成人殃於疫

走

音特 登反又

螣神蠅

音訓俱出五經文字

六月之節日在東井

小暑爲六月之節

御覽全上

昏氏中曉東壁中斗建未位之初

律中林鍾

六月氣至則林鍾之律應林鍾者黃鍾之

所生三分去一管長六寸

上

小暑之日溫風至後五日蟋蟀居壁後五日鷹乃學習

天子居明堂右个

是月也命有司染絲黼黻文章必以法故無或差貸黑黃蒼赤莫不質良無敢詐僞以給郊廟祭祀之服以爲旗章以別貴賤等級之度

六月中氣日在樞

大暑爲六月中氣

全上

昏尾中曉奎中斗建未位之中

大暑之日腐草爲螢後五日土潤溽暑後五日大雨時行

乃燒薶行水利以殺草可以糞田疇可以美土疆

薶謂迫地芟草也此謂欲耕萊田先薶其草草乾燒之此月大雨流水潦蓄其中則草死不復生而地美可耕稼也

御覽八百二十一

是月也樹木方盛乃命有司入山行木無有

斬伐

爲其未堅成也

御覽二十一

不可以興土功不可以合諸侯不可以起兵
動衆

季夏行春令則穀實鮮落國多風欬人乃遷
徙行秋令則邱隰水潦禾稼不熟乃多女災
行冬令則風寒不時鷹隼早鷺四鄙入保
中央土

火休而盛德在土

上全

其日戊巳

戊巳屬土故曰其日戊巳

上全

其帝黃帝其神后土

昔黃帝軒轅氏以土德繼天而王故爲黃

帝土官之神曰后土

上全

其蟲倮

無毛羽鱗介之類

上全

其音宮

聲始於宮宮數八十一屬土以土爲宮

記曰宮亂則荒其音

全上 樂最太字 下當有樂之字也

四字疑脫通典樂四注引同無樂記云云

律中黃鍾之宮

黃鍾主十一月土在林鍾夷則之間各有分主不可假借故引黃鍾之清宮以爲土律其管半黃鍾之管長四寸五分則黃鍾之清宮也故季夏十八日巳後土王氣至則黃鍾之宮應之也全上

其數五其性信其事思其味甘其臭香

其祀中霤祭先心

中霤猶中室也祭中霤之禮爲俎先進心

也

全下 御覽
五百二十四

是月也祀黃帝於南郊

謂季夏土德王日則祀黃帝含樞紐於南

郊以軒轅配坐以后土鎮星從祀

御覽五
百二十

四

天子居太廟太室乘黃輅駕黃龍載黃龍太

黃衣服黃玉食稷與牛其器圖以閼

七月之節日在張

立秋爲七月之節

御覽二十四

昏尾中曉襲中斗建申位之初

其日庚辛

庚辛屬金金主秋故云其日庚辛

同上

其帝少皞其神蓐收

昔少皞氏以金德繼天而王故爲秋帝金

正曰蓐收故蓐收爲金神佐少皞於秋

同上

其蟲毛

民國甲戌

唐明皇月令注解

三
江都朱氏

西方白虎毛蟲之長凡有毛之類皆屬於

金故曰其蟲毛

同上案唐諱虎注白虎當依經文武始交改作武

其音商

三分徵益一以生商商數七十二屬金以

其濁次宮臣之象也秋氣和則商聲調樂

記曰商亂則陂其官壤

同上○通典樂三

律中夷則

七月氣至則夷則之律應夷則者大呂之

所生三分去一管長五寸六分

同上

其數九

金生數四成數九但言九者舉其成數

同上

其性義其事言

洪範五行傳曰西方金其性義其事言言

曰從從作乂王者言從乂和則神龜至

同上

事類賦注

其味辛其臭腥

凡臭味辛腥者皆屬於金

御覽同上

其祀門祭先肝

民國甲戌

唐明皇月令注解

云江都朱氏

甫引

秋陰氣出祀之於門外陰也秋爲陰中於
藏值肝凡祀門爲俎先進肝

立秋之日涼風至後五日白露降後五日寒
蟬鳴

天子居總章左个乘白輅駕白駱載白旂衣
白衣服白玉食酒與魚其器廉以深

總章左个當申上之室乘白輅衣白衣從
秋色也食酒與魚秋味之宜也其器廉以
深象金傷害物入藏

同上

太史以先立秋三日謁於天子曰某日立秋
盛德在金天子乃齊

立秋之日天子親率公卿諸侯大夫以迎秋
於西郊還乃賞軍帥武人於朝

迎秋爲祀白帝白招拒於西郊以少皞配
坐以蓐收太白三辰七宿從祀

上全

乃命將帥選士勵兵簡練傑雋專任有功以
征不義詰誅暴慢以明好惡順彼遠方

詰謂問其罪順猶服也

上全

七月中氣日在張

處暑爲七月中氣

上

昏箕中曉昴中斗建申位之中

處暑之日鷹乃祭鳥後五日天地始肅後五日禾乃登

是月也命有司修法制繕囹圄具桎梏斷薄刑決小罪

是月也築場圃農乃登穀天子嘗新先薦寢廟

是月也命有司納材葦

蒲葦之屬此時柔脆可取作器物

御覽一千

修宮室坏牆垣補城郭

爲經夏雨損立秋後修補

御覽全上二十四

孟秋行冬令則陰氣大勝介蟲敗穀戎兵乃
來行春令則其國乃旱陽氣復還五穀無實
行夏令則其國火災寒熱不節人多瘧疾
八月之節日在翼

白露爲八月之節

全上

昏南斗中曉畢中斗建西位之初

律中南呂

八月氣至則南呂之律應南呂者太族之
所生三分去一管長五寸三分

上全

白露之日鴻鷹來後五日元鳥歸後五日羣
鳥養羞

天子居總章太廟

是月也養衰老授几杖行糜粥飲食

行猶賜也

上全

是月也天子乃饗以達秋氣

全上 五百三十〇

通 入傷作陽

唐明皇月令生解

春夏尚舞秋冬尚吹習之為將釋奠御覽全上

二十四 五百三

十五○事類賦注

是月也命有司上戊釋奠於太公廟

是月也擇元日命人社

賽秋成也元日謂近秋分前後戊日御覽五百

三十二 歲華紀

麗三引下七字

八月中氣日在軫

秋分為八月中氣御覽二

十四

昏南斗中曉東井中斗建酉位之中

秋分之日雷乃收聲後五日蟄蟲坏戶後五日水始涸

是月也祀夕月於西郊

秋分祀祀之

全上

是月也命有司享壽星於南郊

秋分日祭壽星於南郊壽星南極老人星

全上。通

典禮四

日夜分則同度量平權衡

因秋分晝夜平則正之

御覽全上

是月也命有司祭馬社

謂中秋祭焉社於大澤用剛日

上全

天子嘗麻本薦寢廟

命有司申嚴百刑斬殺必當無留有罪無或枉撓枉撓不當反受其殃

是月也勸人種麥無或失時

仲秋行春令則秋雨不降草木生榮國乃有恐行夏令則其國乃旱蟄蟲不藏五穀復上行冬令則風災數起收雷先行草木早死

九月之節日在角

寒露爲九月之節

上全

昏牽牛中曉東井中斗建戌位之初

律中無射

九月氣至則無射之律應無射夾鍾之所

生三分去一管長四寸九分

上全

寒露之日鴻鷹來賓後五日雀入大水爲蛤

後五日菊有黃華

天子居總章右个

命有司申嚴號令命百官貴賤無不務內以會天地之藏無有宣出

是月也命有司伐蛟取鼉登龜取黿

四者甲類秋乃堅成故是月登取以

九月中氣日在氐

霜降爲九月中氣

上全

昏須女中曉柳中斗建戌位之中

霜降之日豺乃祭獸後五日草木黃落後五日蟄蟲咸俯

是月也霜始降則百工休

謂膠漆之作停上全

乃命有司曰寒氣摠至人力不可其皆入室

霜降後清風戒寒所以令入室御覽三十四

是月也命有司具飭衣裳文繡有恒衣服有量冠帶有常必循其故

是月也天子嘗稻先薦寢廟

稻初熟御覽二十四

乃命有司農事備收舉五穀之要藏帝藉於

神倉祇敬必飭

是月也命有司合秩芻以養犧牲以供皇天上帝名山大川四方之神以祠宗廟社稷之靈爲人祈福

秩芻謂草稅也

歲華紀麗三

命樂正習吹大饗帝於明堂

謂祀昊天於明堂五方帝五官從祀

帖

命有司嘗犧牲告備於天子

是月也趣人收斂務蓄菜

始爲御冬之備

歲華紀麗三〇案此依鄭注也鄭注作始爲御

冬之備汲古閣校本歲華紀麗引經作人
从唐月令也引注始爲下缺一字依唐本
當定作人他本徑
填作民者非是

乃伐薪爲炭

伐必因殺氣

御覽同上

季秋行夏令則其國大水冬藏殃敗人多歟
噫行冬令則國多盜賊邊境不寧土地分裂
行春令則煖風來至人氣解情師興不居
十月之節日在房

月令廣義卷之四

補刊

立冬爲十月之節御覽二十六

昏虛中曉張中斗建亥位之初

其日壬癸

壬癸屬水主冬同上

其帝顓頊其神元冥

昔顓頊氏以水德繼天而王故爲冬帝水

正曰元冥故元冥爲水神佐顓頊於冬同上

其蟲介

北方元武介蟲之長凡有甲之類皆屬於

水故曰其蟲介介甲也

同上

其音羽

三分商去一以生羽羽數四十八屬水以爲最清物之象也冬氣和則羽聲調樂記曰羽亂則危其財匱

同上○通典樂三注引同無樂記云云

律中應鍾

十月氣至則應鍾之律應應鍾者姑洗之所生三分去一管長四寸七分

同上

其數六其性智其事聽

民國甲戌書明皇司合主解

三西江都朱氏

其味鹹其臭朽

凡臭味鹹朽者皆屬於水上同

其祀井祭先腎

立冬之日水始冰後五日地始凍後五日野

雞入大水爲蜃

天子居元堂左个乘元輅駕鐵驪載元旂衣

元衣服元王食黍與鷹其器閔以掩

食黍與鷹冬味之宜上同

太史以先立冬三日謁於天子曰某日立冬

盛德在水天子乃齊

立冬之日天子迎率公卿諸侯大夫以迎冬於北郊

迎冬爲祀黑帝汁光紀於北郊以顓頊配坐以元冥恒星三辰七宿從祀

同上

還乃賞死事恤孤寡

察阿黨則罪無有掩蔽

是月也可以築城郭造宮室穿竇窖修囷倉謂改築城郭創造宮室修囷倉以備積貯

民國甲戌

唐明皇月令注解

三
五
江都朱氏

同
上

是月也天子始裘

謂初衣寒衣

同上

是月也祭神州地祇於北郊

謂立冬日祭神州地祇於北郊太宗文武

皇帝配坐

御覽五百二十四

是月也命有司祭司寒

謂孟冬祭司寒於北郊

同上

是月也命有司祭司中司命司人司祿

謂立冬後亥日祭於國城西北

全上。通典禮四

月中氣日在尾

小雪爲十月中氣

御覽二十六

皆危中曉翼中斗建亥位之中

小雪之日虹藏不見後五日天氣上騰地氣

下降後五日閉塞而成冬

命有司謹蓋藏循行積聚無有不斂

蓋藏謂府庫困倉之類

歲華紀麗四

坏城郭戒門閭修鍵閉備邊境謹關梁塞蹊

程

蹊徑謂山澤禽獸道

御覽二十六

飭喪紀辨衣裳審棺槨之薄厚塋邱壟之卜
大高卑厚薄之度貴賤之等級

是月也命工師效功陳祭器案度程無作淫
巧以蕩上心功致爲上物勒工名以考其誠
功有不當必行其罪

七月也大飲烝勞農以休息

十月農事既畢黨正屬民飲酒正齒位是

也詩曰十月滌場朋酒斯饗指此

茂華紀麗四

案此依鄭注也紀麗用唐注民當作人今作民者後人所改

是月也易關市來征旅納貨賄以便人事四方來集遠鄉皆至則財不匱上無乏用百事乃遂

是月也命有司收水澤之賦無令侵削兆人以爲天子取怨於下其有若此者行罪無赦川賦魚鹽蜃蛤之類澤賦萑蒲之類。

白帖歲

華紀麗四

是月也乃命有司秣稻必齊麴蘖必時湛熾
必潔水泉必香淘器必良火齊必得兼用六
物酒官監之無有差貸

有司謂煮酒之官六物者一曰秣稻二曰
麴蘖三曰湛熾四曰水泉五曰淘器六曰
火齊命酒官監之無有差貸差貸謂失誤

善惡

御覽八百
四十三

孟冬行春令則凍閉不密地氣上泄人多流
亡行夏令則國多暴風方冬不寒蟄蟲復出

巽爲風立夏巽用事故行夏令則多暴風
夏氣干時方冬而溫蟲以寒蟄溫而復出

御覽三

十四

行秋令則雪霜不時小兵時起土地侵削

十一月之節日在箕

大雪爲十一月之節

御覽二
十六

昏營室中曉軫中斗建子位之初

律中黃鍾

十一月氣至則黃鍾之律應黃鍾者律之

始也管長九寸

上全

大雪之日鵲鳥不鳴後五日武始交後五日
荔挺出

天子居明堂太廟

命有司土事無作無發室屋及起大衆以固
而閉地氣且泄是謂發天地之房諸蟄則死
人必疾疫又隨以喪

是月也命內宰申宮令審門閭謹房室必重
閉雖有貴戚近習無有不禁

命有司祈祀四海大川名源井泉

十一月中氣日在南斗

冬至爲十一月中氣

御覽全上

昏東壁中曉角中斗建子位之中

冬至之日蚯蚓結後五日麋角解後五日水

泉動

是月也祀昊天上帝於圓丘

謂冬至日祀昊天上帝於圓丘以高祖神

堯皇帝配坐以五方帝及日月星辰及內

外星官等從祀於壇

御覽全上○正古閣校本歲華紀綱四引

此注字句

有脫誤

是月也農有不收藏積聚者馬牛禽獸有放逸者取之不詰

禾在野牛馬傷之人有取者不罪所以戒

其主也

歲華紀麗四

山林藪澤有能取蔬食田獵禽獸者有司教

道之其有相侵奪者罪之■赦

是月也命有司祭馬步

謂仲冬祭馬步於大澤用剛日

御覽二十一十六

是月也伐木取竹箭

此時堅成可伐取之

今上三百四十九歲華紀麗四

是月北日短至陰陽爭諸生蕩

君子齊戒處必掩身身無躁去聲色禁嗜慾
安形性事欲靜以待陰陽之所定

是月也可以罷官之無事去器之無用者

仲冬行夏令則其國乃旱氛霧冥冥雷乃發
聲行秋令則天時雨汁瓜瓠不成國有大兵

行春令則蟲蝗爲敗水泉咸竭人多疥癩

十二月之節日在南斗

小寒爲十二月之節

御覽全上二十六

皆奎中曉亢中斗建丑位之初

律中大呂

十二月氣至則大呂之律應大呂者蕤賓

之所生三分益一管長八寸四分

全上

小寒之日鷹北鄉後五日鵲始巢後五日野

雉始雊

天子居元堂右个

命將帥講武習射御角力乃教田獵以習五
戎班馬政命僕夫七驪咸駕載旌旒授車以
級整設於屏外有司搢扑北面以誓之天子
乃厲飾執弓挾矢以獵

講武角力校武士材力所以備畋獵之禮

厲飾謂衣戎服尙威武以獵

上全

命有司修祭禽之禮

修祭禽之禮謂以所獵得禽獸以供禘祭

上全

天子乃禘百神於南郊爲來年祈福於天宗

五經文字云經典作蜡唯新月令作禘音乍。通典禮四云今取祭義故从示

禘臘日祭之名也百神神農后稷句芒田

峻岳鎮海瀆邱陵墳隰鱗介羽毛之類天

宗日月星辰之屬是也

白帖。歲華紀麗四引無百神注

十二月中氣日在虛女

大寒爲十二月中氣

昏喪中曉氏中斗建丑位之中

大寒之日雞始乳後五日鷺鳥厲疾後五日
水澤腹堅

是月也命有司始漁天子親往乃嘗魚先薦
寢廟

時魚潔美

御覽二
十六

冰方盛命取而藏之

春秋傳曰日在北陸而藏冰

御覽二
十六

冰已入令告人出五種命農計耦耕修耒耜
具田器

冰既入令有司告人出五穀之種明大寒

氣過農事將興修田器

御覽八百二十三
二十六引寒氣

過農事
將興

命有司出土牛以示農耕之早晚

謂於國城之南立土牛若立春在十二月
望則策牛人近前示其農早也立春在十
二月晦及正月朔則策牛人當中示其農
平也立春近正月望則策牛人近後示其
農晚也

御覽二十六引無
首一語从白帖增

是月也日窮於次月窮於紀星回於天數將
幾終歲且更始專其農人無有所使

言運行周帀於故處次舍也紀猶會也

經

三

天子乃與公卿大夫共飭國典論時令以待
來歲之宜

周官建寅之月懸法於象魏以示人四時
之令皆以此爲準故以建丑之月與公卿
先飭之

御覽二
十六

是月也合諸侯制百縣爲來歲受朔日與諸
侯所說於人輕重之法貢職之數以遠近土
宜爲度以給郊廟之事無有所私

乃命有司次諸侯之列賦之犧牲以共享祀
乃命司姓之邦共寢廟之芻豢

凡在天下九州之人無不咸獻其力以共
天上帝社稷寢廟山林川澤之祀

人非神福不生

歲時紀
麗四

命樂正大合吹而罷

乃命有司收秩薪柴以供郊廟及百祀之燎

命有司大雊旁磔以送寒氣

大雊爲歲終逐除陰疫以送寒氣故周官
命方相氏率百隸索室驅疫以逐之旁謂

王城四旁十二門也磔謂磔犬於門也春

磔九門冬禮大故徧磔於十二門所以扶

陽抑陰之義犬屬金冬盡春興春爲木故

殺金以助木氣

御覽二十六
通典禮三十八
五百二

季冬行秋令則白露早降介蟲爲妖四鄙入
保行春令則胎夭多傷國多固疾命之曰逆
行夏令則水潦敗國時雪不降水凍消釋